



তেরোর পাতায়

উত্তরবঙ্গ সংবাদ

শিলিগুড়ি ১ মাঘ ১৪২৮ শনিবার ৪.০০ টাকা 15 January 2022 Saturday 14 Pages Rs. 4.00 ইন্টারনেট সংস্করণ <http://www.uttarbangasambad.in>

আইএসএআর স্বীকৃত IVF সেন্টার

নিউলাইফ
ফার্টিলিটি সেন্টার

IVF | IUI | ICSI | SURROGACY

সেবক রোড, শিলিগুড়ি / 740 740 0333

চালক ও যন্ত্রের ত্রুটিতেই দুর্ঘটনা



এখনও ছড়িয়ে রয়েছে খেলনাগাড়ি, জুতো। শুক্রবার দোমোহানির দুর্ঘটনাস্থলে। ছবি : অভিরূপ দে

সমস্যা দেখতে এক স্টেশন আগেও দাঁড়িয়ে যায় ট্রেন

সুপরি সরকার ও চাঁদকুমার বড়া

দোমোহানি ও কোচবিহার, ১৪ জানুয়ারি : ভারতীয় রেলের কলবুক বলে, একই সময় কমপক্ষে দশটা ভুল একসঙ্গে হলেই ঘটতে পারে একটি রেল দুর্ঘটনা। এদেশে রেল চলাচলের সেই আকর গ্রন্থকে যদি সত্যি বলে মেনে নেওয়া যায়, তাহলে একটা জিনিস অন্তত স্পষ্ট। বৃহস্পতিবার বিকেলে বিকানের এক্সপ্রেসের দুর্ঘটনার পিছনেও ছিল এমনই এক গুচ্ছ কারণ।

কিলোমিটার।

সবচেয়ে বড় কথা, ট্রেনের যান্ত্রিক সমস্যার কথা চালক বুঝতে পেরেছিলেন এনজেলি স্টেশনেই। সেসময় তেমন গুরুত্ব দেননি। রানিগর স্টেশনে ট্রেন থেকে আগুনের ফুলকি দেখেন সেখানকার কর্মীরা। এই পরিস্থিতিতে জলপাইগুড়ি রোড স্টেশনে থামিয়ে পরীক্ষা করা হয় ট্রেনের। দুর্ঘটনাস্থলের কিছু আগেই

সরানো হচ্ছিল। সেখানে হাইড্রলিক জ্যাক লাগালে ইঞ্জিন থেকে আলাদা হয়ে যায় নীচের দিকে থাকা ট্র্যাকশন মোটর। বেলা বাড়তেই খবর ছড়িয়ে পড়ে, ইঞ্জিনের এই ট্র্যাকশন মোটর ভেঙে যাওয়ার কারণেই ব্রেক কামতে ব্যর্থ হন চালক এবং ঘটে দুর্ঘটনা।

গতরাত থেকেই অনেকে আবার অভিযোগের আঙুল তুলছিলেন ট্র্যাকের দিকে। তবে জানা যায়, বিকানের



ইঞ্জিন থেকে খুলে পড়া ট্র্যাকশন মোটর। -সংবাদচিত্র

সেই স্টেশনে এমনিতে এ ট্রেন দাঁড়ায় না। তারপরেও দুর্ঘটনা এড়াতে যায়নি।

এদিন ঘটনাস্থলে নিয়ে যাওয়া হয়েছিল দুর্ঘটনাগ্রস্ত ট্রেনের চালক ও সহ চালককে। চালক প্রদীপ কুমার বলেন, 'বৃহস্পতিবার বিকেল ৪টা ৫২ মিনিটে নাগাদ ম্যাক্সিক বাঁকুনী লাগায় ইমার্জেন্সি ব্রেক কবি। তারপর নেমে দেখতে পাই উলটে যাওয়া বগিগুলিকে।'

এদিন সকালে বেলাহীন হয়ে যাওয়া বৈদ্যুতিক ইঞ্জিনের পিছনের ঢাকাগুলি

এক্সপ্রেস দুর্ঘটনাস্থল পেরোনোর কিছুক্ষণ আগেই ওই জায়গা পেরিয়ে

যায় একটি কয়লাবোঝাই এবং একটি খালি মালগাড়ি। দ্রুতগামী এক্সপ্রেস ট্রেনটিকে রাস্তা করে দিতে মালগাড়ি দুটিকে ময়নাগুড়ি এবং ধুপগুড়ির মাঝে দুটি স্টেশনে দাঁড় করিয়ে দেওয়া হয়। যে জায়গায় দুর্ঘটনাটি ঘটেছে সেটি রেলের পরিভাষায় 'রক সেকশন' - এর মধ্যে পড়ে। সেখানে ট্র্যাকে কোনও গণ্ডগোল থাকলে তা সহজেই চোখে পড়ত রেলকর্মী, এরপর বারো পাতায়

এরপর বারো পাতায়

যা তথা কীটে আসছে

দুর্ঘটনার সময় নাকি ট্রেনের গতিবেগ ছিল প্রতি ঘণ্টায় ৯৫-১০০ কিলোমিটার

ট্রেনের যান্ত্রিক সমস্যার কথা চালক বুঝতে পেরেছিলেন এনজেলি স্টেশনেই

রানিগর স্টেশনে ট্রেন থেকে আগুনের ফুলকি দেখেন সেখানকার কর্মীরা

জলপাইগুড়ি রোড স্টেশনে ট্রেন থামিয়ে প্ল্যাটফর্ম বরাবর পরীক্ষা করেও ত্রুটি ধরা পড়েনি

মেয়ের মুখ দেখা হল না

উত্তরবঙ্গ ব্যুরো

১৪ জানুয়ারি : দুই ছেলে রয়েছে। এবারে মেয়ে হয়েছে। খুদের মুখ দেখতেই তিনি তড়িৎ ভাঙি ফিরছিলেন। কিন্তু তা আর হল কই! বৃহস্পতিবার ময়নাগুড়ির কাছে ট্রেন দুর্ঘটনায় কোচবিহার-১ ব্লকের দেওয়ানবস গ্রামের সুভাষ রায় (৩৫) মারা যান। শুক্রবার পৌষ সংক্রান্তির দিন সকালে সুভাষের মৃত্যুর খবর ছড়িয়ে পড়তে গোটা দেওয়ানবস গ্রামে কান্নার রোল পড়ে যায়। সোকসাদাভাঙ্গা থানার গুমানিহাট রেলস্টেশন সংলগ্ন রঞ্জিত বর্মনের (৪২) আড়াই বছরের মেয়ে দিন ছয়কে আগে হঠাৎই মারা যায়। ময়নাগুড়ির ট্রেন দুর্ঘটনায় তিনিও মারা গিয়েছেন।

এখনও পর্যন্ত পাওয়া খবর অনুযায়ী ওই ট্রেন দুর্ঘটনায় মৃতদের মধ্যে পাঁচজনই কোচবিহার জেলার। জন্মদের অনেকেই মৃত্যুর সঙ্গে পাঞ্জা লড়ছেন। গোটা পরিষ্কৃতির ওপর নজর রাখা হচ্ছে বলে কোচবিহার জেলা পুলিশ সুপার সুমিত কুমার এদিন

নিহত ৯

চিরঞ্জিৎ বর্মন (২৩) - চান্দামারি
সুভাষ রায় (৩৮) - দেওয়ানবস
সম্রাট কার্জি (১৭) - কালপানি
রঞ্জিত বর্মন (৪২) - সোকসাদাভাঙ্গা
মঙ্গল ওরাওঁ (৪০) - পুণ্ডিবাড়ি
অজিত প্রসাদ (৩৩) - আসানসোল
সাহী খাতুন (১২) - অসম
লালু কুমার (৫৬) - উত্তরপ্রদেশ
শান্তাব্দী পাটানি (৬৮) - অসম

নিশিগঞ্জ জোনান। বৃহস্পতিবার রাত থেকেই দেওয়ানবস গ্রামে রায়বাড়ির উঠানে সুভাষের বৃদ্ধ বাবা-মা সমানে কেঁদে চলেছেন। সুভাষ ১০ বছরেরও বেশি সময় ধরে জয়পুরে কেবলের কাজ করতেন। কয়েক বছর ধরে পেন্সনেই যাতায়াত করতেন। এবারও পেন্সনেই

বাড়ি ফেরার কথা ছিল। কিন্তু মত পালটে ট্রেনে বাড়ি ফিরছিলেন। আট মাস আগে শেখবাবর জয়পুরে কাজে যান। স্ত্রী টুস্পা তখন সন্তানসম্ভবা ছিলেন। আগে দুই ছেলে থাকায় এবারে মেয়ে হলে সুভাষ সবাইকে মিষ্টি খাওয়ানেন বলে গিয়েছিলেন। দুর্ঘটনার কিছু আগেও স্ত্রীর সঙ্গে ফোনে কথা বলেন। তারপরই ট্রেনের শৌচাগারে যান। সেই সময়ই দুর্ঘটনা ঘটায় আর বের হতে পারেননি। রাত ২টা নাগাদ বাড়িতে মৃত্যুসংবাদ আসে। তারপর থেকেই বাবা নির্মল রায়, কাকা বিমল রায় কথা বলার ভাষা হারিয়েছেন। টুস্পা জলপাইগুড়িতে ছুটে গিয়েছেন। সুভাষের আত্মবধূ পূজা রায় বলেন, 'দুই মাসের মেয়ে কেমন আছে জানতে দুর্ঘটনার কিছু আগেও উনি ফোন করেন। কিন্তু সেটাই যে ওঁর শেষ ফোন হবে সেটা কে জানত!'

মেয়ের মৃত্যুসংবাদ শুনে মাথাভাঙ্গা-২ ব্লকের গুমানিহাট রেলস্টেশন সংলগ্ন এলাকার বাসিন্দা রঞ্জিতও বাড়ি ফিরছিলেন। কিন্তু তাঁরও আর বাড়ি ফেরা হল না।

এরপর বারো পাতায়

রাজ্যের চিকিৎসায় পঞ্চমুখ রেলমন্ত্রী

জলপাইগুড়ি ও শিলিগুড়ি, ১৪ জানুয়ারি : রাজ্যের স্বাস্থ্যবাবস্থা নিয়ে প্রায়শই প্রশ্ন তোলেন বিজেপি নেতারা। কেন্দ্রের সঙ্গে সংঘাতের জেরে বাংলায় স্বাস্থ্য পরিকাঠামো পিছিয়ে পড়ছে বলেও অভিযোগ করেন তাঁরা। অথচ ময়নাগুড়িতে এসে খোদ রেলমন্ত্রী স্বাস্থ্য পরিকাঠামোর প্রশংসা করে গেলেন।

দোমোহানিতে ট্রেন দুর্ঘটনায় আহতদের দেখতে শুক্রবার জলপাইগুড়ি সুপারস্পেশালিটি হাসপাতালে আসেন রেলমন্ত্রী অশ্বিনী বৈষ্ণব। আহতদের সঙ্গে কথা বলার সময়ই হাসপাতালের সুপার, নার্সিং স্টাফ ও অন্য স্বাস্থ্যকর্মীদের উদ্দেশে রেলমন্ত্রী বলেন, 'আপনাদের হাসপাতালের পরিষেবার কোনও তুলনা হবে না। আমি হাসপাতাল এবং কর্মীদের পরিষেবা দেখে সত্যিই অভিভূত।'

মন্ত্রীর মুখে রাজ্যের হাসপাতালের তুসী প্রশংসা শুনে একটু অবাকই হন অনেকে। পরে সাবাদিকরা মন্ত্রীকে আহতদের চিকিৎসা ব্যবস্থা নিয়ে প্রশ্ন করলে তখনও হাসপাতাল নিয়ে সন্তোষ প্রকাশ করেন কেন্দ্রীয় মন্ত্রী।

অশ্বিনী বলেন, 'এই পরিস্থিতিতে মানবসেবাই একমাত্র লক্ষ্য আমাদের। তবে হাসপাতালে যে চিকিৎসা ব্যবস্থা রয়েছে, তা যথেষ্টই ভালো। আমি আশাবাদী এখানে যাঁরা ভর্তি রয়েছেন, স্বাস্থ্যকর্মীদের আন্তরিক চেষ্টায় সুস্থ হয়ে খুব শীঘ্রই তাঁরা বাড়ি ফিরবেন'। শুধু কেন্দ্রীয় মন্ত্রী নন, জলপাইগুড়ি সুপারস্পেশালিটি হাসপাতালের প্রশংসা করেছেন রাজস্থানের দুই মন্ত্রীও। এদিন আহতদের হাসপাতালে দেখতে যান রাজস্থানের দুই মন্ত্রী গোবিন্দরাম মেঘওয়াল ও ভানোয়ার সিং ভাট। তাঁরাও হাসপাতালের পরিষেবার সুনাম করেন।

দুর্ঘটনায় যাঁরা গুরুতর আহত হয়েছিলেন, এমন ২৯ জনকে নিয়ে আসা হয়েছিল সুপারস্পেশালিটি হাসপাতালে। তাঁদের মধ্যে ছয়জনের অবস্থা বেশি আশঙ্কাজনক হওয়ায় তাঁদের উত্তরবঙ্গ মেডিকেল কলেজ ও হাসপাতালে স্থানান্তরিত করা হয়। জলপাইগুড়ির হাসপাতালে যাঁরা চিকিৎসাধীন, তাঁরা প্রায় সকলেই সংকটমুক্ত।

শুক্রবার দুর্ঘটনাস্থল পরিদর্শনের পর বেলা এগারোটো নাগাদ সুপারস্পেশালিটি হাসপাতালে পৌঁছান রেলমন্ত্রী। তাঁর সঙ্গে ছিলেন পদবী আধিকারিকরা। প্রথমেই তিনি চলে যান পুরুষ সার্জিক্যাল বিভাগে। দুর্ঘটনায় আহত প্রত্যেকের সঙ্গে আলাদাভাবে কথা বলেন মন্ত্রী। চিকিৎসা পরিষেবা বা অন্য কোনও সমস্যা রয়েছে কি না রোগীদের থেকে জানতে চান তিনি। তবে কোনও রোগীকেই মন্ত্রীর কাছে অভিযোগ করতে শোনা যায়নি।

আহত মহিলা যাত্রীদের সঙ্গেও কথা বলতে দেখা যায় মন্ত্রীকে। তাঁর সঙ্গেই ছিলেন জেলা মুখ্য স্বাস্থ্য আধিকারিক অসীম হালদার, জেলা হাসপাতাল সুপার গয়ারাম নন্দর সহ অন্য স্বাস্থ্য আধিকারিকরা। এরপর বারো পাতায়

একনজরে



বরিসের চেয়ারে কি ঋষি সুনাক?

প্রধানমন্ত্রী হওয়ার পর থেকে একাধিক বিতর্কে জড়িয়েছেন ব্রিটনের প্রধানমন্ত্রী বরিস জনসন। দেশজুড়ে বরিসের পদত্যাগের দাবি জোরালো হচ্ছে। নতুন প্রধানমন্ত্রী হিসেবে ভেঙ্গে উঠছে চ্যান্সেলার ঋষি সুনাকের নাম। নারায়ণ মূর্তির জমাট ঋষিকে কনজারভেটিভ পার্টির একাংশই প্রধানমন্ত্রী পদপ্রার্থী হিসেবে ভুলে ধরার চেষ্টা করছেন।

বিস্তারিত নবের পাতায়



কল্যাণকে সতর্ক করল দল

অভিষেক বন্দ্যোপাধ্যায়ের মন্তব্যের পাল্টা হিসেবে তৃণমূল সাংসদ কল্যাণ বন্দ্যোপাধ্যায় যে মন্তব্য করেছিলেন, তা ভালো চোখে দেখছে না দলের শীর্ষ নেতৃত্ব। তৃণমূল সূত্রে খবর, কল্যাণের বক্তব্যে ক্ষুব্ধ তৃণমূল সুপ্রিমো মমতা বন্দ্যোপাধ্যায়ও দলের এক শীর্ষনেতার মাধ্যমে নেত্রী তাঁর মতামত কল্যাণকে জানিয়েছেন।

বিস্তারিত দশের পাতায়

১৫ দিন উড়ান বন্ধ থাকতে পারে

খোকন সাহা

বাগডোগরা, ১৪ জানুয়ারি : টানা দুই বছর ধরে বাগডোগরা বিমানবন্দর সংস্কারের কাজ চলছে। এবারে রানওয়ের শেষপর্যায়ের কাজ চালানোর জন্য ১১ এপ্রিল থেকে ২৫ এপ্রিল পর্যন্ত টানা ১৫ দিন এই বিমানবন্দরে বিমান চলাচল বন্ধ হতে পারে। বায়ুসেনার ডিল্লির কার্যালয় থেকে এবিষয়ে বাগডোগরা বিমানবন্দর কর্তৃপক্ষকে অবগত করা হয়েছে। আর এর জেরে এখন থেকেই যাত্রী ভোগান্তির আশঙ্কা ছড়িয়েছে। পাশাপাশি, পর্যটন ব্যবসায়ীরা এখন থেকেই চূড়ান্ত হয়রানির আশঙ্কা করছেন।

মার্চের দ্বিতীয় সপ্তাহ থেকে জুন মাস পর্যন্ত উত্তরবঙ্গে পর্যটনের মরশুম চলে। তাই এপ্রিলে রানওয়ে সংস্কারের কাজ না করে যদি বর্তমানে করোনার কোপ চলাকালীন সময়ে এই সংস্কারের কাজ করা হত তাহলে এই সমস্যা হত না বলে তাঁদের দাবি।

বাগডোগরা বিমানবন্দরের ডিরেক্টর সুব্রহ্মণ্য পি বলেন, 'রানওয়ে মেরামতের জন্য টানা ১৫ দিন ধরে এই বিমানবন্দর ব্যবহার করা যাবে না। বায়ুসেনার তরফ থেকে ১১ থেকে ২৫ এপ্রিল এখানে উড়ান চলাচল বন্ধ রাখতে বলা হয়েছে। তবে এজন্য এখনও প্রায় তিন মাস সময় রয়েছে। এর মধ্যে সিদ্ধান্ত পরিবর্তন হলেও হতে পারে।'

বায়ুসেনার অধীনে থাকা বাগডোগরা বিমানবন্দরে প্রায় দুই বছর ধরে রানওয়ে মেরামতের কাজ চলছে। রানওয়ে মেরামতের জন্য সকাল ৮টা থেকে বিকেল ৫টা পর্যন্ত বিমান চলাচল করতে পারে। এখানে অত্যধিক ইন্সট্রুমেন্টাল ল্যান্ডিং সিস্টেম (আইএলএস) এবং রানওয়ে ভিজুয়াল রে (আরভিআর) ব্যবস্থা থাকলেও সংস্কারকাজের জন্য এই ব্যবস্থাগুলিকে নোটিফ টি এয়ারমেন (নোটাম)-এ রাখা হয়েছে। আর এজন্য আবহাওয়া খারাপ হলে কম দৃশ্যমানতার জেরে বহু বিমান এখানে নামতে পারে না।

এরপর বারো পাতায়



বাগডোগরা

- টানা দুই বছর ধরে বিমানবন্দর সংস্কারের কাজ চলছে
- শেষ পর্যায়ের কাজের জন্য ১৫ দিন বন্ধ থাকতে পারে বিমানবন্দর
- আর এর জেরে এখন থেকেই যাত্রী ভোগান্তির আশঙ্কা ছড়িয়েছে
- পর্যটন ব্যবসায়ীরা এখন থেকেই চূড়ান্ত হয়রানির আশঙ্কা করছেন

NEOLAYR®
MOISTURISING LOTION

কোমল ত্বকের গোপন কথা

এসে গেলো ভিটামিন ই ও অ্যালো ভেরা সমৃদ্ধ নিওলেয়ার ময়েস্চারাইজিং লোশন। এর রিফ্রেশিং ফর্মুলা ত্বককে শুষ্কতার হাত থেকে বাঁচায় প্রতিদিন, সারা বছর। এখন শুষ্কতার ভয় আর নয়। কোমল ত্বক সবসময়।

Neolayr skincare range:
Lip Care | Foot Cream | Hand Cream
Face Wash | Calamine

www.neolayr.com info@neolayr.com

For trade enquiry call: 85858 6111

নন-স্টিকি ফর্মুলা